

晉州外書

台州外書卷五

郡人戚學標鶴泉輯

男寶寧長川校字

人物補傳四

**吳瞿** 素永寧人以節顯三國志朱育對太守濮陽興問

云其女則松陽柳朱永寧瞿素或一醮守節身喪不顧或遭寇劫賊死不虧行皆近世之事尚在耳目今黃岩古永寧地台人言婦節以此為首云

**越吳** 仁惠夫人許氏名新月台州人雅善音律吳越文穆王

後庭樂部悉命掌焉初魯國夫人生孝獻世子侍御咸尊禮獨女僧契雲者司香火於麗春院謂夫人曰

台州外書

卷五 人物

彼鄰夫人遠不及也夫人宜自愛文穆王襲國勅封

吳越國夫人開運二年薨見十國春秋

**宋** 赤城韓夫人紹興間都下有烏衣椎髻女子歌東風起

東風起云云一道士遇之驚曰此赤城韓夫人所製水府蔡真君法駕道引也韓夫人蓋女仙云

戴石屏祖母失其姓知書史能詩石屏父母先卒祖母親撫育成長口授書句擇名師令從學卒成其孫為

聞人石屏久客不歸祖母感孫媳之亡有題壁句至今傳之

項 氏黃岩人處士誥女兒稟姿淑慧自少內則女誠



列女傳及唐宋大家文過耳輒成誦閱司馬公通鑑  
並通其大意說嘗謂強記之性吾不及也適臨海陳  
獻肅公孫寶謨閣待制廣壽子承議郎賜緋魚袋  
之字以道賢行爲世稱見劉文清集

張淑芳賈似道妾本樵家女似道教之書遂工爲詩  
策賈所爲必敗恒韜匿別居後自度爲尼居五雲  
下人罕知者有浣溪紗更漏子等詞傳於世

戴氏石屏女孫適同邑陳仕道未十年而寡宋末兵  
難長子國瓊被掠次國琥尙幼凌侮四起能於疾波  
駭浪中柏舟堅緻無恙且造就其子爲世聞人時謂  
節婦亦賢母

台州外書

卷五

人物

二

元余季女臨海人有容德善屬文贅同郡水有道偶與夫  
違言夫憤往山中讀書不歸女深自悔咎病垂歿以  
詩九章寄之哀感纏綿無怨恨所天之意鄉人賴善  
卿憫其才而無命爲徧傳焉

柯九思女少承父教通經史善筆札時稱才女

見書史會要

明竇氏仙居王文通公一寧母許州長葛人文通父監  
丞峻用爲新鄭儒學教諭聘焉監丞爲怨家竊毀學  
中卷牘被禍竇親擊登聞鼓訴其寃得白監丞由國  
子轉光祿丞賓客日盛躬治具不厭隣女竊家之藏

予所私其父疑王氏臧獲欲執訴官或勸王氏發其實竇以事關閨閻寧我家受誣固不許事白隣父慚謝其明大體有容類如此

見楊東里集

汪

氏太平人寒坑儒家女適林原縉子孟通號松谷名士也松谷未有子一日忽作歸計乘輿抵家父母訝其不期而至必有事曰爲女弟作伐耳問誰氏得似爾良人否曰卽兒壻也父母有難色跪而請父母曰汝願之吾從汝乃喜出篋中幣下定歸語其夫曰此行爲君聘新人松谷出不意駭且感至泣下後汪妹舉子七人媵產一人分八房其後之昌大皆汪力

台州外書

卷五

人物

三

也

瞿孝婦太平人潛山尹石林女適泉溪王元勉有孝行姑患病甚篤孝婦百方祈禱倏於床側得香丸一顆進之而愈人謂孝感所至鄉里爲謠曰瞿潛山女阿班事姑孝天賜丹阿班婦少字也

國朝

衛

氏少字琴娘天台人嫁甫三月遭兵難被擄北行乘間脫走於路破面毀形晝乞夜伏吞聲惟恐人知至鎮江登北固山悵望家鄉入甘露寺取炭題詩壁上自敘家世及遇亂流離之苦縊於楊公祠側順治三年十一月間事也

顧氏太平人建南道祔孫女幼許字黃岩澄  
球順治丁酉年十七同兄赴祖鎮江知府任舟行  
海寇鄭成功掠去成功欲以配其子氏斷髮自誓賊  
與徐勸不卽加刃防稍懈其兄乘風駕舸挈氏遁回  
時沈聞氏被虜已別娶汾川蔣氏及氏歸蔣以顧元  
配且奇其節托歸寧不返氏以蔣旣婚豈宜令無夫  
交相推讓者年餘卒同歸於沈相親如姊妹人謂顧  
女之節蔣女之讓兩不可及

陶氏太平人顧國妻建南道祔之子婦也國年二十  
卒陶矢志守節撫其子沫成立以諸生授都司職調

台州外書

卷五 人物

四

河南墾荒陶留守夫壙松門被遷遣徙居黃邑卒年  
七十九以上列女十五人

梁彭先生姓鄭名元字子陰多鬚缺前齒左頰有赤痣常  
往來臨海燒山中以觀人情及修道者踪跡詭異不  
常得見也見冥通記

唐劉方瀛乾符中天台道士精道術能役使鬼神用符水  
治人疾無不愈黃岩大疫賴方瀛全活甚多旣死或  
發其墓取劒劒作大聲吼駭而去

宋應智錫字子信仙居人咸淳間至吳愛虞山之勝建致  
和院以居精於道法尤善詞章人敬慕之

元張惟一號秋泉黃岩人本南塘戴氏世業儒秋泉獨嘷然有出世志徧游海內詩名重燕都趙松雪揭曼碩皆與往來由昭瑞宮提點特授全德靖明宏道真人太乙宮提點制敕有泉石古心冰霜雅操淡焉若朴而妙感彰廓乎不驚而衆虛集語四明袁桷筆也袁嘗和秋泉詩以天台老仙伯呼之

鄭守仁號蒙泉黃岩人幼著羽士服游京師寓蓬萊坊之崇真宮都下士夫來往雲集守仁常僵卧一室或冥坐誦黃庭不與物接人呼爲獨冷先生達兼善危太樸諸公皆重之至正間出主白鶴觀有詩見顧氏

台州外書

卷五 人物

五

元詩三選

項子虛天台人賣藥市中隨人給值不計多寡年八十許神骨蒼秀見者皆知爲異人踪跡無定常在燕都揭傒斯陳旅俱有詩贈之

唐修

真台州龍宮寺僧能前知貞元十六年李紳爲布衣遊天台修真見之曰貴人異日臨此郡幸修此寺勿忘老僧言後紳貴游台州訪之則修真已化去寺頽毀荒榛拱木而已憶前言爲修之

宋智賢禹昭皆寧海僧事明靜大師惟賢性明敏精釋典兼通儒書於五經論語皆能得其義旨所在羅提刑

適少時多得其講貫之力自謂平生經術實權輿於  
二師

可 仁號木菴禪師本寧海胡氏子遊四明爲袁越公  
所重得度於上天竺應參政繼每言使師不爲僧其  
問學當與士人並中書舍人陳耆卿時爲臨安教授  
亦以應言爲然越公於紫岩建廣恩寺俾主之有詩  
集若干卷不傳

日 損台州白岩僧神韻超俗喜爲詩語淺近而托諷  
具有機旨舒舜侯甚愛之方元善負詩名不輕許可  
亦與友

台州外書

卷五 人物

六

元東嶼洵和尚臨海陳氏子生有異稟落髮於寒山寺宋  
末逢元兵迫逐前阻水師默誦觀音經一躍十數丈  
而過遂免謁石林輩公繼又與橫州珙公勘辨益明  
宗旨觸處機悟受請居姑蘇楓橋有患病者得師一  
撫摩卽愈至大間賜璽書金襴衣數主名利法徒雲  
集泰定四年示寂於靈隱賜號明宗慧忍禪師有六  
會語傳於世

朴 菴名淳黃岩人宋宗室裔嘗受業胡公長孺棄家  
爲僧遊金陵梁王甚見禮遇李五峯柯敬仲皆其所  
薦引性淡泊厭居京師退老雲間禪誦之暇惟時一

吟哦自謂夙習未能盡忘云

枯林禪師寧海人丞相夢鼎之嫡孫也能詩工蘭石宋亡恐人物色遂托跡緇流徧游海內始猶才氣不能自抑繼則心境泊如身界兩空處士劉桂翁嘗作詩贈之

慧 舟號一山叟天台人居杭州之長慶寺作詩無蔬

筍氣尤工寫竹

見吳僧蓮儒畫禪

淳 朋號獨孤長老天台僧與趙松雪友善至大三年松雪北行長老送之有所愛蘭亭帖出示遂以贈先是松雪求定武蘭亭於吳僧東屏靳不與得此喜不

台州外書

卷五 人物

七

勝跋其後謂他日來歸與獨孤結一重翰墨緣也

可 中字南山台州人真草師晉人元時台僧工書者甚多有大智字南溟工正書正除字見原書師張羽密誼字道初學虞永興慧敏字仲膚學晉書兼能篆道原字竺隱能詩文行草有法

並見書史會要

明了 真天台人寄跡山陰諸寺嗜酒落魄拖杖乞錢市中時散與貧者冬月惟着單衣或敲冰而浴洪武二年大旱留偈示衆鄉人舉龕燔於五雲門外甘雨隨樹

慧 日號東溟天台人洪武初召見說毘尼淨戒辭歸



天竺修西方安養之學夢青蓮花生方池中悟曰此生淨土之祥也吾去人間世不遠乎至四日趺坐書頽合爪而寂見宋濂塔銘

清 濬字天淵黃岩人說法於邑之萬壽寺歸隱二靈

山洪武初召為左覺義住靈谷寺御製詩十二首賜

之濬隨和進稱旨宋潛溪稱其才不下秘演浩初見

上高僧傳

斷橋和尚黃岩徐氏子落髮永嘉廣慈院謁無準於雪

竇準移育王及徑山皆從俾分座出世祇園遷瑞岩

國清淨慈法徒雲集將終索筆辭諸山魏國公使饋

台州外書

卷五

人物

八

藥不受又使人問曰師生天台因其死答曰日出東

方夜落西遂書偈而化見武林梵志

**國朝**

無名和尚台州人住吳中銷夏灣不持經卷能半月不

食食可盡米一二斗能詩或忽亂以他語時或登高

慟哭人莫測也雍正癸丑冬化去先期示偈有電光

三癸丑之語計其生年當在明神宗時備載沈歸愚文集

宏 濟名超月又號無知漢出太平烏沙浦朱氏出家

遊京師受法於雪竇律牧和尚歸住嵩岩戒行精苦

康熙十八年中秋月下預書偈及詩示別至期端坐

而化先至元間有秋月師白日於嵩岩飛昇人謂超

月卽秋月化身以上仙釋  
二十八人

唐喬 庶台州人父常官東平日擊軍校逐侯希逸扶李

懷玉知留後事庶與段成式友善見西陽  
雜俎

楊 廣寧海人仕唐為兵部尚書五子皆貴仕後遷於

鄞明成化間戶部主事楊文卿其裔也

陳希旼不知何許人全唐詩徐夔有寄天台陳希旼詩

陰山冰凍嘗迎夏蟄戶雲雷只待春呂望豈嫌垂釣

老西施不恨浣紗貧云云意亦才而不遇者也

宋應 彬字文質天台人建炎初知嵎縣

彭 栢天台人知諸暨縣

台州外書 卷五 人物 九

趙與佺字英可天台人嘗為豐儲倉吳益尹臨安辟之

為屬

鄭遜志字時敏 余外晦字明叟 施良臣字名卿並

黃岩人從王梅溪學

宋汝夫 余宋臣並台州進士孝宗時進萬世如見集

見南宋  
相眼

蔡 銖武經郎監江山稅 蔡 鉛樞密檢校俱黃岩

人武博鎬之弟

王仲彝黃岩人侍郎居安子知瀏陽縣

錢宏祖臨海人象祖之弟嘉定元年知新昌開禧元年

知紹興府二年象祖又任府事

陳潤道天台人病吳俗細民好鬻女為妓妾作吳民女

篇見陳郁話映

蒙 汲台州人淳祐間進士見萬姓統譜

趙與沐天台人咸淳癸酉以通直郎知慶元昌國縣事

邑人立岱山書院與沐為記見定海志

洪一鶚天台人咸淳中嵎縣教諭

金彥如 惠子明 沈新之 馬景昭 趙寅仲 于

晦仲並台人從王魯齋講學見金履祥仁山文集

吳清之號謙齋 吳直翁號直軒 鄭景温號慥堂並

台州外書 卷五 人物

仙居人與南塘陳柏聞關閩濂洛之學見宋濂集

顧 鎔字可範仙居人玉文子年十三有神童之目丞

相吳堅以孫女妻之

王與義字公矩號石城 王惟明字公猷號冰壑 劉

培之字茂實 胡蜚英字俊父號南峽並寧海人臨

海吳子良高足 有詩名見舒岳祥文集

元 厲和甫 繆元果並台州人上虞教諭

戴 現 張泳涯台州人 李 幸仙居人 舒叔獻

寧海人並新昌教諭

芳 炯寧海人孝孺之大父天歷間鄞縣教諭

黨天祐臨海人至元二十四年知嵎縣

鄔濟民寧海人至元三十年亦知嵎縣志宋咸淳十年榜有鄔濟民

翁伯章天台人鄞人蔣宗簡嘗從受經

陸德明天台人與温州張天秩嵎縣梁公輔皆以詩人

流寓於鄞與樊天民相唱和見書林外集

張 諲天台人廣州府至聖像碑左篆書四大字右有

八分書一段敘摹勒原委至正五年乙酉正月廣東

宣慰使都元帥僧家奴記經歷貢師謙篆額憲曹天

台張諲書

陳 瑛字子雋臨海人待制孚子嘗以使事至錢塘見

台州外書

卷五 人物

十一

禕集

**明姜** 瑜寧海人洪武時以孝義旌見明史

曾 振台州人永樂初泉州教授重修廟學祀泉州名

宦按泉州志洪武間教授有王廷玉蔣忠諫曹升姚禧皆台人

王 寓天台人寧波大梅山護聖寺碑記洪武八年乙

卯前住持沙門清濬換前國子上舍生天台王寓書

并篆

顧 永黃岩人爲南靖主簿以汙永坑多毒草立石水

次戒人勿飲

麻善勤黃岩人成化中任雩都縣丞以上六十一人事實未詳做杜預之

例統爲雜人  
附錄備考

台州外書

卷五

人物

三

